

Sustegn per la piazza aviatica da Samedan

(cc) La cumissiuun dal cussegl grond per economia e taxas ha predeliberà la missiva da la regenza tar la garanzia e tar la nova organisaziun da la piazza aviatica regiunala da Samedan e sustegna unanimamain las propostas da la regenza. Il cussegl grond vegn a tractar la fatschenta en la sessiun da favrer 2013. Cun la missiva dals 22 d'october 2012 suttametia la regenza al cussegl grond ils bains immobigliars dal chantun ch'èn situads en il perimeter PSIA (= plan sectorial «infrastructura da l'aviatica») da la piazza aviatica regiunala da Samedan e propona d'als transferir da la facultad da finanzas a la facultad administrativa per als pudair alura metter a disposiziun gratuitamain en il dretg da construcziun durant 40 onns ad ina societad d'infrastructura da dretg public autonoma dal circol da l'Engiadin'Ota. En il rom da la nova organisaziun da la piazza aviatica regiunala da Samedan vegn questa societad ad affittar ils stabiliments d'infrastructura ad ina gestiunaria privata da la piazza aviatica (Engadin Airport SA). Sut la direcziun dal president da la cumissiuun *Roger Vetsch* ha la cumissiuun dal cussegl grond per economia e taxas (CET) predeliberà il project per mauns dal cussegl grond. A la sesida



La cumissiuun dal cussegl grond ha predeliberà la missiva da la regenza tar la garanzia e tar la nova organisaziun da la piazza aviatica regiunala da Samedan.

FOTO R. CANAL

è er sa participà il cusseglier guvernativ *Mario Cavigelli*.

La cumissiuun è sa laschada declerar il

nov model d'organisaziun e las relaziuns giuridicas. Ella renconuscha la necessitad da far quest pass. Suentar che las cun-

diziuns generalas sin la piazza aviatica da Samedan èn sa midadas pertutgant il sector dal dretg aviatic durant ils ultims

onns, pervia da las cundiziuns da l'Uffizi federal d'aviatica civila (Ufac), n'è la gestiunaria actuala, ch'è er en possess dals stabiliments d'infrastructura, betg pli en cas da realisar ils meds finanzials ch'èn necessaris per l'infrastructura da la piazza aviatica. Da quai è ussa resultà il nov model d'organisaziun che separa ils stabiliments d'infrastructura giuridicamain ed organisatoricamain da la gestiunaria da la piazza aviatica. L'obligaziun ch'ina organisaziun da dretg public mettia a disposiziun l'infrastructura duai garantir che l'Engiadin'Ota vegn colliada cun il traffic aviatic durablmain e per gronda part independentamain da l'andament da las fatschentas da la gestiunaria privata. Grazia al nov model po a medem temp il maun public influenzer pli fitg il svilup giavischè da la piazza aviatica.

Sin fundament da l'impurtanza da la piazza aviatica da Samedan che sa chatta entamez ina da las destinaziuns turisticas las pli grondas e che demussa ina da las valorisaziuns las pli grondas da la Svizra recumonda la cumissiuun per economia e taxas al cussegl grond unanimamain d'acceptar il project e da consentir a las propostas da la regenza. Il cussegl grond vegn a tractar la fatschenta en la sessiun da favrer 2013.